

საგარეჯოს მუნიციპალიტეტი



სახელმწიფო ხაზინის ელექტრონული მომსახურების სისტემასთან ინტეგრირებული,
საბიუჯეტო ორგანიზაციების ფინანსური აღრიცხვა-ანგარიშგების პროგრამული
სისტემის სახელმწიფო შესყიდვა
გამარტივებული ელექტრონული ტენდერის საშუალებით

CPV48440000

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

ქ.საგარეჯო

2016 წელი

1. ინსტრუქცია ტენდერში მონაწილეთათვის

1.1 წინამდებარე დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე.

1.2 შესყიდვების ერთიან ელექტრონულ სისტემაში თავის სატენდერო წინადადების განთავსებით პრეტენდენტი ეთანხმება სატენდერო განცხადების პირობებს.

1.3 დაწვრილებითი ინფორმაცია გამარტივებული ელექტრონული ტენდერის ჩატარების წესის შესახებ შეგიძლიათ იხილოთ ვებგვერდზე www.procurement.gov.ge.

2. შესყიდვის ობიექტის ტექნიკური პირობები და რაოდენობა

2.1 საგარეჯოს მუნიციპალიტეტის მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს: სახელმწიფო ხაზინის ელექტრონული მომსახურების სისტემასთან ინტეგრირებული, საბიუჯეტო ორგანიზაციების ფინანსური აღრიცხვა-ანგარიშგების პროგრამული სისტემა, სადაც რეალურ რეჟიმში ხორციელდება ინფორმაციის მიღება სახაზინო სამსახურიდან და ბუღალტრული აღრიცხვის წარმოება არსებული კანონმდებლობის შესაბამისად.

2.2 მიმწოდების ვადა: ხელშეკრულების დადებიდან 10 დღის ვადაში.

2.3 მომსახურების მიწოდების ადგილია: ქ.საგარეჯო, დავით აღმაშენებლის #9.

2.4 ობიექტის სავარაუდო ღირებულება შეადგენს 7000 ლარს (შვიდი ათასი) ლარს დღგ-ს გარეშე.

2.5 პრეტენდენტმა ტექნიკური დოკუმენტაციის სახით სისტემაში უნდა ატვირთოს ქვემოთ ჩამოთვლილი ინფორმაცია დანართების შესაბამისად.

ა) ფასების ცხრილი დანართი №2-ის მიხედვით. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით დღგ-ს გარეშე.

ბ) ინფორმაცია დანართი №1-ის (პრეტენდენტის რეკვიზიტები, სატენდერო წინადადების ფასი) შესაბამისად.

2.6 ანგარიშსწორება მოხდება მიღება-ჩაბარების აქტის გაფორმების შემდეგ 10 დღის ვადაში.

2.7 საგარეჯოს მუნიციპალიტეტი უზრუნველყოფს წარმომადგენლის გამოყოფას, რომელიც ზედამხედველობას გაუწევს მიწოდების პროცესს და მიღება-ჩაბარების აქტის გაფორმებამდე აცნობებს მიმწოდებელს წუნის აღმოჩენის შესახებ.

2.8 პრეტენდენტის მიერ სისტემაში ატვირთული ყველა დოკუმენტაცია უნდა იყოს ხელმოწერილი და ბეჭედდასმული.

იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით და მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

დამატებითი ინფორმაცია შეგიძლიათ მიიღოთ შემდეგ მისამართზე: ქ.საგარეჯო, დავით აღმაშენებლის ქ#9, სატენდერო კომისია. E-mail: sagarejoshesyidvebi@gmail.com ტელეფონი: 591079758 ან ვაშაკიძე.

ფასების ცხრილი

შესყიდვის ობიექტის დასახელება	ღირებულება	მიწოდების ვადა
სახელმწიფო ხაზინის ელექტრონული მომსახურების სისტემასთან ინტეგრირებული, საბიუჯეტო ორგანიზაციების ფინანსური აღრიცხვა-ანგარიშგების პროგრამული სისტემა		

სულ ღირებულება დღგ-ს გარეშე და სხვა ხარჯების ჩათვლით _____
ლარი.

პრეტენდენტის დასახელება/ხელმოწერა

ინფორმაცია რეკვიზიტების და სატენდერო წინადადების ფასის შესახებ

1. ორგანიზაციის დასახელება და იურიდიული ფორმა:
2. საიდენტიფიკაციო კოდი:
3. მისამართი:
4. ხელმძღვანელი/უფლებამოსილი პირი:
5. საკონტაქტო ტელეფონის ნომერი:
6. ელექტრონული ფოსტის მისამართი:
7. მომსახურე ბანკის რეკვიზიტები (ანგარიშის ნომერის მითითებით):
8. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

პრეტენდენტის დასახელება/ხელმოწერა

ხელშეკრულება

პროექტი

სახელმწიფო შესყიდვების შესახებ №

ერთის მხრივ საგარეჯოს მუნიციპალიტეტის გამგეობა, გამგებლის გიორგი გზირიშვილის სახით, საიდენტიფიკაციო კოდი 238154849, მისამართი: ქ.საგარეჯო დავით აღმაშენებლის ქ. №9, ხაზინის ერთიანი ანგარიში, სახაზინო კოდი 300559921 (შემდგომში „შემსყიდველი“) და

მეორეს მხრივ ——— წარმოდგენილი ——— სახით (შემდგომში „მიმწოდებელი“), საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე: შემსყიდველმა ჩაატარა გამარტივებული ელექტრონული ტენდერი (SPA-----): **სახელმწიფო ხაზინის ელექტრონული მომსახურების სისტემასთან ინტეგრირებული, საბიუჯეტო ორგანიზაციების ფინანსური აღრიცხვა-ანგარიშების პროგრამული სისტემა სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოთ აღნიშნული ობიექტი შემდეგ თანხაზე: ----- (------) ლარი, ყველა გადასახადის ჩათვლით (დღგ-ს გარეშე) (შემდგომში „ხელშეკრულების ღირებულება“).**

1. გამოყენებული ტერმინების განმარტებები

1.1., სახელმწიფო შესყიდვების შესახებ ხელშეკრულება“ (შემდგომ – ხელშეკრულება) „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ, სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2., „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.3., „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ; „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

2. შესყიდვის ობიექტი და კლასიფიკატორის კოდი

2.1 ხელშეკრულების შესყიდვის ობიექტს წარმოადგენს: **სახელმწიფო ხაზინის ელექტრონული მომსახურების სისტემასთან ინტეგრირებული, საბიუჯეტო ორგანიზაციების ფინანსური აღრიცხვა-ანგარიშების პროგრამული სისტემა (CPV კოდი 48440000).**

3. ხელშეკრულების შესრულების კონტროლი

3.1 შემსყიდველს ან მის წარმომადგენელს უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

3.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს საგარეჯოს მუნიციპალიტეტის გამგეობის შესაბამისი სამსახური.

4. მიწოდების პირობები

4.1 მიწოდება განხორციელდება ხელშეკრულების დადებიდან 10 დღის ვადაში

4.2 შესყიდვის ობიექტის მიწოდების ადგილია: ქ. საგარეჯო, დავით აღმაშენებლის ქ #9.

5. შესყიდვის ობიექტის ხარისხი

5.1 მიმწოდებელი იღებს ვალდებულებას, რომ მიწოდებული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ პირობებს.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება -ჩაბარება შესრულებულად ჩაითვლება შემსყიდველისა და მიმწოდებლის უფლებამოსილი წარმომადგენლის მიერ მიღება-ჩაბარების აქტის გაფორმებით.

6.2 შემსყიდველი ადგილზე ამოწმებს შესრულებულ მომსახურების მოცულობას და ხარისხს.

7. ანგარიშსწორება

7.1 ანგარიშსწორება მიმწოდებელთან განხორციელდა ლარებში.

7.2 შუალედური ანგარიშსწორება მოხდება შესრულებულ მომსახურებაზე გაფორმებული აქტის და შესაბამისი ანგარიშ-ფაქტურის წაროდგენის შემდეგ 10 დღის ვადაში. (არ გამოიყენება)

7.3 საბოლოო ანგარიშსწორება მოხდება „მიღება-ჩაბარების“ აქტების გაფორმების და შესაბამისი ანგარიშ-ფაქტურის წარმოდგენის შემდეგ 10 დღის ვადაში.

7.4 ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

8. ფასები

8.1 წინამდებარე ხელშეკრულების მე-3 პუნქტში დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრს.

8.2 ხელშეკრულებით ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია საცალო ფასის გასაწევი მომსახურების განსაზღვრული ფასის გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხლში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას შემსყიდველი ორგანიზაციისთვის.

8.3 ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ოდენობის 10%-ს.

9. ხელშეკრულებაში ცვლილებების შეტანა

9.1 ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2 თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით აცნობოს მეორე მხარეს შესაბამისი ინფორმაცია. ამავე დროს, შემსყიდველი არა არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

9.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები მესამე პირს.

10.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

10.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველს, მიმწოდებელსა და მესამე პირს შორის.

11. მხარეთა პასუხისმგებლობა ხელშეკრულების პირობების დარღვევისთვის

11.1 სახელმწიფო შესყიდვის შესახებ ხელშეკრულების მოქმედების პერიოდში მიმწოდებლის მხრიდან ხელშეკრულებით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

11.2 მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, პირგასამტეხლოს გადახდა განხორციელდება მიმწოდებელზე ხელშეკრულებით გადასახდელი თანხიდან გამოქვითვის საშუალებით.

11.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულების შეწყვეტა

12.1 ხელშეკრულების დამდებ ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

12.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.4 ხელშეკრულების შეწყვეტა პირობების დარღვევის გამო ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

გ) საქართველოს კანონმდებლობით გათვალისწინებულ სხვა შემთხვევაში.

12.6 ამ მუხლის მე-5 პუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

13. ფორს-მაჟორი

13.1 ხელშეკრულებების პირობების ან რომელიმე მათგანის მოქმედების შეჩერება ფორს-მაჟორული გარემოებების გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისთვის ხელშეკრულების შესრულების გარანტიის დაუბრუნებლობას.

13.2 ამ მუხლის მიზნებისთვის „ფორს-მაჟორი“ ნიშნავს გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთ გარემოება შეიძლება გამოწვეული იქნას ომით ან სტიქიური

მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებლად იქნებიან ფორს-მაჟორული გარემოებების ზეგავლენისაგან.

14. დავების გადაწყვეტის წესი

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირ ოფიციალური მოლაპარაკებების მეშვეობით მოაგვრონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

14.2 თუ შემსყიდველი და მიმწოდებელი ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15. სხვა პირობები

15.1 წინამდებარე ხელშეკრულება ძალაშია მხარეთა მიერ ხელმოწერის დღიდან და მოქმედებს 2017 წლის -----ს ჩათვლით.

15.2 ხელშეკრულება შედგენილია ქართულ ენაზე 2 ეგზემპლარად და ორივეს აქვს თანაბარი იურიდიული ძალა.

შემსყიდველი:

საგარეჯოს მუნიციპალიტეტის გამგეობა:

მიმწოდებელი: